



**KENYATAAN MEDIA
KEMENTERIAN SUMBER MANUSIA**

**MALAYSIA MERAH PINGAT GANGSA DALAM PERTANDINGAN KEMAHIRAN
DUNIA (WSC) 2017 DI ABU DHABI EMIRIAH ARAB BERSATU**

Sepang, 21 Oktober – Dua peserta negara berjaya meraih pingat gangsa dalam Pertandingan kemahiran Dunia (WSC) 2017 di Abu Dhabi, Emiriah Arab Bersatu (UAE) yang bermula pada 15 hingga 18 Oktober 2017. Kejayaan memperoleh dua pingat gangsa tersebut berjaya mengatasi rekod Pertandingan kemahiran Dunia (WSC) 2015 di Sao Paulo, Brazil dimana Malaysia telah berjaya meraih 1 pingat gangsa dalam bidang dandan rambut.

Peserta yang berjaya mengharumkan nama negara dalam Pertandingan kemahiran Dunia (WSC) 2017 adalah Mohd Asyraff Yusni dari Kolej Universiti DRB Hicom yang mengambil bahagian dalam Bidang Teknologi Automotif dan Lai Jia Yi dari Kolej Taylor yang mengambil bahagian dalam Bidang Masakan. Mohd Asyraff Yusni juga telah diiktiraf sebagai peserta terbaik Malaysia (Best of Nation).

Malaysia turut memperoleh 9 *Medallion for Excellence* melalui bidang Kimpalan, Penyejukbekuan dan Penghawa Dingin, Terapi Kecantikan, Dandan Rambut, Teknologi Fesyen, Paip dan Pemanasan, Rekabentuk Web, Pembuatan Kabinet dan Mekatronik.

Tujuan utama *WorldSkills Competitions (WSC)* adalah untuk memperkasakan bidang *Technical and Vocational Education and Training (TVET)* ke peringkat yang lebih tinggi dan sebagai salah satu alat utama transformasi sosioekonomi negara. Malaysia menjadi ahli *Worldskill International (WSI)* sejak tahun 1992 dan pada tahun 1993 Malaysia telah menyertai buat kali pertama *WorldSkills Competition (WSC)* di Chinese Taipei.

Di *WorldSkills Competitions (WSC)* Abu Dhabi 2017, Malaysia telah menyertai 20 bidang yang melibatkan 21 peserta. Peserta yang dipilih adalah yang terbaik dikalangan yang terbaik (*best among the best*) terdiri daripada pemenang pertandingan di peringkat kebangsaan (Pertandingan *WorldSkills Malaysia* Belia 2015) dan pertandingan di peringkat ASEAN (*ASEAN Skills Competitions 2016*).

Pencapaian sebenar di sebalik memperolehi pingat adalah untuk mencapai hasrat negara menjadi negara maju dan melahirkan pekerja yang berkemahiran dan berkualiti tinggi iaitu 35% tenaga kerja mahir menjelang 2020.

Majlis penutup dan penyampaian pingat telah dihadiri YB Dato' Sri (Dr) Richard Riot Anak Jaem, Menteri Sumber Manusia, YB Dato' Sri Haji Fadillah Bin Haji Yusof, Menteri Kerja Raya dan YB Dato' Sri Haji Ismail bin Haji Abd Muttalib, Timbalan Menteri Sumber Manusia merangkap Ketua Kontinjen Malaysia.

**Dikeluarkan oleh:
Unit Komunikasi Korporat
Kementerian Sumber Manusia
21 Oktober 2017**